

備急千金要方卷第二十五

備急

朝奉郎太常卿秘閣校理製闡樞密院護軍賜緋魚袋臣林億等校正

卒死第一

魘

中惡

醉酒附

喝

蛇毒第二

虎

蝮

蜂

蠅

射工

沙虱

被打第三

從高墮下

著漆附

竹木刺

火瘡第四

灸金瘡

卒死第一

灸法十四首

卒死無脉無他形候陰陽俱竭故也治之方

牽牛臨臯上二百息牛舐必差牛不肯舐著鹽汁塗

面上即牛肯舐

又方

牛馬矢絞取汁飲之無新者水和乾者亦得

肘後方云乾者

以人溺解之此扁鵲法

千金要方卷之五
又方 灸熨斗熨兩脇下備急方云

卒死針間使各百餘息

又灸臍下人中一名鬼客廳肘後方云

治魘死不自覺者方

慎燈火勿令人手動牽牛臨其上即覺若卒不能語
取東門上雞頭末之以酒服

治卒魘死方

擣韭汁灌鼻孔中劇者灌兩耳張仲景云

治鬼魘不悟方

末伏龍肝吹鼻中

又方

末皂莢如大豆許吹鼻中嚏則氣通起死人集驗方云

辟魘鬼方

雄黃如棗大係左腋下令入終身不魘

張文仲云男左女右

魘灸兩足大指叢毛中各二七壯

肘後方云華佗法又救卒死中惡

治中惡方

葱心黃刺鼻孔中血出愈

肘後方云入七八寸無苦使目中血出佳崔氏云男左女右

又方 大豆二七粒末雞子黃并酒相和頓服

又方 使人尿其面上愈

肘後方云此扁鵲法

治中惡并蠱毒方

冷水和伏龍肝如雞子大服之必吐

又方 溫二升猪肪頓服之

又方 車軋脂如雞子大酒服之

中惡灸胃管五十壯愈

治卒忤方

此病即今又所謂中惡者與卒死鬼擊亦相類為治皆參取而用之

鹽八合以水三升煮取一升半分二服得吐即愈

備急

方太治

鬼擊 若小便不通筆頭七枚燒作灰末水和服之

即通

又方

犢子屎半盞酒三升煮服之亦治霍亂肘後方云治鬼擊大牛亦可用

又方

臘月野狐腸燒末以水服方寸匕死鼠灰亦佳

又方

書墨末之水服一錢匕

卒忤死灸手十指爪下各三壯餘治同上方

備急方云治卒死而張目反折者

又灸人中三壯又灸肩井百壯又灸間使七壯又灸巨闕百

壯還魂湯主卒忤鬼擊飛尸諸奄忽氣絕無復覺或已死

絞口噤不開去齒下湯湯入口不下者分病人髮左右捉踏

肩引之藥下復增取盡一升須臾立蘇方

麻黃三兩

桂心二兩

甘草一兩

杏仁

七十粒

右四味咬咀以水八升煮取三升分三服

肘後方云張仲景方无挂心用三味

卒中鬼擊及刀兵所傷血漏腹中不出煩滿欲絕方

雄黃粉酒服一斗圭日三血化為水

鬼擊之病得之無漸卒著人如刀刺狀胃脇腹內絞急切痛不可抑按或即吐血或鼻口血出或下血一名鬼排治之方

雞屎白

如棗大

青花麻

把一

右二味以酒七升煮取三升熱服須臾發汗若不汗熨斗盛火灸兩脇下使熱汗出愈

又方

艾如雞子大三枚以水五升煮取一升頓服之

又方

吹酢少許鼻中

鬼擊灸人中一壯立愈不差更灸

又灸臍上一寸七壯及兩踵白肉際取差又灸臍下一寸

三壯

夫五絕者一曰自縊二曰墻壁厭迫三曰溺水四曰魘寐五曰產乳絕悉治之方

取半夏一兩細下篩吹一大豆許內臍中即活心下溫者一日亦可治

治自縊死方

凡救自縊死者極須按定其心勿截繩徐徐抱解之心下尚溫者以氈氍覆口臍兩人吹其兩耳

又方

強卧以物塞兩耳竹筒內口中使兩人痛吹之塞口傍無令氣得出半日死人即噫噫即勿吹也

又方

擣皂莢細辛屑如胡豆大吹兩臍中

又方

藍青汁灌之

又方 刺雞冠血出滴著口中即活男雌女雄

又方

雞屎白如棗大酒半盞和灌口及鼻中佳

又方

葱葉吹皂莢末兩鼻中逆出更吹

又方

梁上塵如大豆各內一小竹筒中四人各捉一箇同時吹兩耳兩鼻即活

又方

雞血塗喉下

又方

尿鼻口眼耳中并捉頭髮一撮如筆管大掣之立活

自縊死灸四肢大節陷大指本文名曰地神各七壯

治熱暈方

取道上熱塵土以壅心上少冷即易氣通止

又方

仰卧喝人以熱土壅臍上令人尿之臍中溫即愈

又方

可飲熱湯亦可內少乾薑橘皮甘草煮飲之稍稍咽勿頓使飽但以熱土及熬灰土壅臍上佳

又方

濃煮黃芩取汁三升飲之即愈不差更灌

又方

地黃汁一盞服之

又方

水半升和麪一大抄服之

又方

張死人口令通以煖湯徐徐灌口中小卒死人頭令湯入腹須臾即蘇

又方

灌地漿一盞即愈

又方

使人噓其心令煖易人爲之

又方 抱狗子若雞著心上尉灸之

又方 屋上南畔瓦熱慰心冷易之

治落水死方

以甕中灰布地令厚五寸以甕側著灰上令死人伏於甕上使頭小垂下抄鹽二方寸匕內竹管中吹下孔中即當吐水水下因去甕下死人著灰中壅身使出鼻口即活

又方

掘地作坑熬數斛灰內坑中下死人覆灰濕徹即易之勿令大熱燂人灰冷更易半日即活

又方

取大甕傾之死人伏其上令死人口臨甕口然葦火二七把燒甕中當死人心下令煙出小入死人鼻口

中鼻口中水出盡則活火盡復益之常以手候死人身及甌勿令甚熱當令火氣能使死人心下足得暖卒無甌者於岸側削地如甌空下如竈燒令煖以死人著上亦可用車轂爲之勿令隱其腹令死人低頭水得出并炒灰數斛令煖以粉身濕更易溫者

又方 但埋死人煖灰中頭足俱沒惟開七孔

又方

倒懸死人以好酒灌鼻中又灌下部又酢灌鼻亦得
又方 綿裹皂莢內下部中須更水出

又方 裹石灰內下部中水出盡則活

又方

倒懸解去衣去臍中垢極吹兩耳起乃止

又方

熬沙覆死人面上下有沙但出鼻口耳沙冷濕即易

又方

竈中灰二石埋死人從頭至足出七孔即可

又方

屈兩脚著生人兩肩，上死人背，向生人背，即負持走，行吐出水便活。

落水死，解死人衣，灸臍中，凡落水經一宿，猶可活。

治冬月落水，凍四肢直，口噤，尚有微氣者方。

以大器中熬灰，使煖，盛以囊，薄其心上，冷即易，心煖氣通，目得轉，口乃開，可溫尿粥稍稍吞之，即活。若不先溫其心，便持火炙身，冷氣與火爭，即死。

治凍爛瘡方

猪後懸蹄，以夜半時燒之，研細篩，以猪脂和，傅亦治小兒。

治入水手足腫痛方

生胡麻，搗薄之。

治酒醉中酒恐爛五藏方

以湯著槽中漬之冷復易夏亦用湯

又法

凡醉不得安卧不動必須使人搖轉不住特忌當風
席地及水洗飲水交接

又方 擣茆根汁飲一二升

治飲酒頭痛方

竹筴五兩以水八升煮取五升去滓令冷內破雞子
五枚攪勻更煮二沸飲二升使盡差

治飲酒腹滿不消方

煮鹽湯以竹筒灌大孔中

治飲酒中毒方

煮大豆三沸飲汁三升

又方 酒漬乾椹汁服之

治病酒方

豉

葱白各一

右二味以水四升煮取二升頓服之

治飲酒房勞虛受熱積日不食四月中熱飲酒不已酒入百脉心氣虛令人錯謬失常方

芍藥

栝樓根

人參

白薇

枳實

知母

各二兩

甘草

一兩

生地黃

八兩

酸棗人半

茯神

三兩外臺作茯苓

右十味㕮咀以水一斗煮取三升分為三服

治連月飲酒咽喉爛舌上生瘡方

大麻人半

黃芩

二兩用黃蘗後

右二味末之蜜和丸含之千金翼用黃蘗二兩

治酒醉不醒方

葛根汁一斗二升飲之取醒止後方云治大醉煩毒不堪

飲酒令人不醉方

柏子人麻子人各二

右二味治下篩為一服進酒三倍

又方

葛花小豆花各等分

右二味合為末服三方寸匕飲時仍進葛根汁芹汁及批

杷葉飲並能倍酒

又方 九月九日菊花末臨飲服方寸匕

又方 小豆花葉陰乾百日末服之

又方 五月五日取井中倒生草枝陰乾末酒服之

飲酒令無酒氣方

乾蔓菁根二七枚三徧蒸末兩分酒後水服之

治惡酒健噎方

空井中倒生草燒灰服之勿令知

又方 取其人牀上塵和酒飲之

斷酒方

酒七升著餅中熟朱砂半兩著酒中急塞餅口安著猪圈中任猪搖動經十日取酒服飲盡

又方

臈月鼠頭灰 柳花

右二味等分爲末黃昏時酒服一椀

又方 正月一日酒五升淋碓頭擣一下取飲之

又方

故羶中菜耳子七枚燒作灰黃昏時煖一椀酒呪言

與病狂人飲也勿令知之後不喜飲酒也

又方 白猪乳汁一升飲之永不飲酒

又方 刮馬汗和酒與飲終身不飲

又方 虎屎中骨燒末和酒與飲

又方 鷓鴣屎灰水服方寸匕永斷

又方 取毛鷹二過吐毛水煮去毛頓服

又方 故紡車絃燒灰和酒與服

又方 驢駒衣燒灰酒飲方寸匕

又方 自死蟻螯乾擣末和酒與飲永世聞酒名即嘔神驗

又方 酒客吐中肉七枚陰乾燒末服之

又方 酒漬汗靴替一宿旦空腹與即吐不喜見酒

又方 白狗乳汁酒服之

又方 臈月馬腦和酒服之